

11
D. F.

ANNOTATIONES
JURIS FEUDALIS
AD
LUCUBRATIONES J. R.
EXERCITATIO UNDECIMA
DE
SUCCESSIONE
FEUDALI,

Quam

PRÆSIDE

D. BARTHOL. LEONHARDO
SVENDENDÖRFFERO,

Juris Antecessore,

Publice defendendam suscipit

M. JOH. FRIDERICUS OLEARIIUS, Lips.

Juris Utriusque Candidat.


In Auditorio Juridico Lipsiensi

Die 1. Februarii MDCC.

LIPSIÆ,

Excudebat CHRISTIANUS SCHOLVINUS.







CAPIT VII.
DE SUCCESSIONE
FEUDALI.

S U M M A R I A.

XXIII. *Successio Feudalis quæ.*

XXIV. *Et 1. quidem ratione Descendentium.*

XXV. *2. Ratione Collateralium & Patru descendendum.*

XXVI. *Qui a Successione Feudali excluduntur.*

§. XXIII.

DE Successione jam reliquum est ut videamus. Ubi notandum quod de Jure Civili duplex detur succedendi ratio, una testamentaria, altera legitima. De prima Jus Feudale non est sollicitum, cum nemo de Feudis utiliter testari possit in præjudicium Domini & Agnatorum, *l. F. l. 8. nisi Feudum vel absolute sit hæreditarium*, vel

Testamentum consensu Domini & Successorum Legitimorum sit ordinatum. *Bocer. th. 34. disp. 15.* Alteram quod attinet, Jus Civile tres ejusdem constituit lineas, unam ascendentium, alteram descendantium, & tertiam collateralium. Primam illarum Feudista quoque non curat; Ascendentes enim de Jure Feudali non succedunt 2. *F. t. 50.* in linea scilicet recta, in transversali enim eos succedere posse tradit Borcholt. *num. 85. c. 7. per text. 1. F. t. 9. fin.* & si in investitura id expressum sit. *Duar. c. 11. num. 11. per text. 2. F. t. 48.*

DE SUCCESSIONE,) *Succesio Feudalis*, quæ etiam *Succesio feudi* 1. *f. 8. 2. f. 11. & 50.* ut & *beneficii Succesio* 2. *f. 17.* appellatur, ita dicitur tum propter obiectum, quod fiat in feudo 1. *f. 8. 2. f. 20.* tum propter subjectum, quod competat personis feudilibus, 1. *f. 1. §. 3. 1. f. 24. 2. f. 11. 30. 45. 50. 113.* tum propter fundamentum & originem, quod feudali jure sit introducta 1. *f. 1. §. 2. 3. 4. f. 8. 2. f. 11. 30.* Et quamvis in generali acceptione Feudalis successio sumatur pro quavis feudi aperti devolutione, quæ ex variis causis contingit 2. *f. 24. §. fin. 2. f. 26. §. 5. 2. f. 31. 2. f. 27.* In speciali tamen significatu si sumatur, restringitur ad casum mortis 1. *f. 8. 2. f. 11.* Et sic est *Succesio*, qua feudum a Vassallo mortuo relictum ad alium habilem transmittitur. 1. *f. 8. 2. f. 1. 11. 24. §. fin. 2. f. 26. §. 5. 2. f. 31. 33. 50.*

Estque 1. vel *Communis*, quæ deferretur ex Jure communi, vel *singularis*, quæ obtinet ex Jure speciali & locali.

2. Vel

2. Vel *Personarum conjunctarum* vel *extranearum* 2. f. 11. 2. f. 50. Illa est vel *Descendentium* 1. f. 4. & 3. vel *Ascendentium* 2. f. 84. vel *Collateralium*, tam *Cognatorum*, quam *Agnatorum* 1. f. 8. 2. f. 1. 2. f. 50. vel *Conjugum*, 1. f. 15. 2. f. 85.

3. Vel *Personalis*, quæ competit ex jure proprio, vel *Representativa*, quæ competit ex alterius persona jure *Representationis* 1. f. 8. pr.

4. Vel *unius*, vel *plurium*: Et hæc fit vel *in stirpes*, quando circa feudi Divisionem respicitur ad stirpes, unde personæ succedentes descendunt; vel *in capita*, quando feudum inter plures æqualiter secundum numerum personarum dividitur.

5. Vel *Feudi Antiqui* vel *Novi* 1. f. 11. 1. f. 14. §. 2. 2. f. 11. 12. Item vel *Feudi nobilis*, vel *non nobilis*.

6. vel *Regularis*, quæ fit juxta ordinarium & jure feudali introductum succedendi modum, vel *Irregularis*, quæ obtinet præter ordinarium succedendi modum. Estque triplex: Alia ratione *subjecti*; alia ratione *objecti*; alia ratione *modi*. Successio Feudalis Irregularis ratione *subjecti* est personæ per se inhabilis, & quidem vel *simpliciter* ob incapacitatem (qualis est successio *foeminae* 1. f. 8. 2. f. 36. Clerici 2. f. 21. 30. 36. vel imperfecti 1. f. 6. §. 2. 2. f. 36.) vel *secundum quid*, qualis est successio Parentis 2. f. 50. 84. Conjugis 1. f. 15. 2. f. 85. & Cognati 2. f. 11. 50. Successio Irregularis ratione *objecti* est vel feudi Hereditarii vel *Fœminei*. 2. f. 30. Irregularis Successio ratione *modi* est vel Testamentaria vel Conventionalis; Illa competit ex testamento de feudo facto, vel separatim per specialem feudi legationem, vel conjunctim per generalem cum bonis allodialibus relictionem Ludvv. de *success. feud. cap. 5.* Successio irregularis conventionalis est, quæ defertur ex singulari conventionione de succedendo, fitque vel per Expectativæ concessionem 2. f. 26. §. 2. vel per pactum successorium 1. f. 1. §. 2. 1. f. 8. *in fin.* 1. f. 14. *in fin.* 1. f. 20. 2. f. 18. 2. f. 90. vel per simultaneam investituram. Struv. in *Syntagm. Jur. feud. c. 9. apb. 13.*

7. Vel *Separata* vel *Conjuncta*. Hæc dicitur, quæ fit conjunctim

junctim cum hereditate 2. f. 45. Estque vel Necessaria vel Voluntaria d. l. Separata est, quæ sit sine agnitione hereditatis d. l. p. 2. C. 48. §. Do abet.

8. Vel Limitata, quæ ad certas personas & certum tempus est restricta, vel Illimitata.

JUS FEUDALE NON EST SOLLICITUM:) De Successione Testamentaria Jus Feudale certo modo est sollicitum, & quidem tam prohibendo 1. f. 8. quam certis in casibus permittendo. Prohibitio fundatur principaliter in feudi inalienabilitate 2. f. 52. §. 55. quæ impedit dispositionem testamentariam, per quam sit etiam alienatio. l. 8. §. 3 ff. de Alienat. judic. mut. caus. l. 8. §. 2. C. de Sec. nupt. Hæc accedit, quod feudum convenit cum usufructu 2. f. 23. in fin. qui morte finitur §. 3. Inst. de usufr. Finck. Disput. Feud. 6. Controv. 6. Testamenti autem prohibitio est tantum restricta ad feudum jam constitutum & existens, & hoc per testamentum ad alium regulariter transferri nequit 1. f. 8. adeoque non pertinet ad feudum constituendum & inducendum; De hoc enim, ut fiat, Dispositio testamentaria interdicta non est.

CONSENSU DOMINI:) Sicuti per hujus accessionem non tribuitur testamenti factio, quæ est juris publici l. 3. ff. qui testam. fac. poss. l. 13. C. de Testam. Sed tantum obstaculum inalienabilitas removetur: ita requiritur consensus expressus, ita ut præsentia & taciturnitas pro consensu non habeatur: Non obstante, quod in favorem ultimæ voluntatis benigna fiat interpretatio l. 12. ff. de R. J. cap. 6. X. de Donat. Id enim procedit tantum respectu testantis, non vero respectu tertii, qui tacendo pro consentiente non habetur, cap. 43. de R. J. in 6. præsertim cum testamentum de feudo factum ad jus agnatum imminuendum tendat, quo casu tacere habetur pro invito ac contradicente l. 5 ff. de Servit. præd. urban. Wissenbach. ad l. 142. ff. de R. J. num. 6. Quo attento nullum faciendum discrimen inter alienationem inter vivos & mortis causa, nec præsupponendum, quod in hac sit in mora periculum. Sicut enim hoc non semper circa testamenti ordi-

ordinationem adest, ita quoque in alienatione inter vivos potest conringere.

ASCENDENTES NON SUCCEDUNT) Et quidem nec in feudo antiquo, nec in novo, non in hoc, quia feudum accipiens sibi tantum & posteris accipit, ad quos ascendentes referri nequeunt; non in isto, quia ascendentes non amplius superstites sunt, quoniam ab his feudum ad filium defunctum jam olim pervenit. Bitch. *ad tit. 2. f. 50. Notab. 1.*

PER TEXTUM 1. f. 19. in fin.) In allegato textu non agitur de successione ascendentium, sed de successione collateralium, nimirum Patrum, qui Vassallo sine liberis mortuo ad successionem feudi antiqui admittitur. Bitch. *ad d. 1. enunciatione 3.* Poterunt tamen adscendentes potitis terminis habilibus ad successionem liberorum admitti, & tunc quidem, quando iis viventibus descendentes in feudo antiquo succedunt; Quod contingit, si Pater in gratiam filii feudum paternum refusavit, vel avus consentiente filio feudum in nepotem transulit, vel si quis feudum transulit in fratris filium, iisque casibus omnibus Vassallus possessor sine liberis moriatur; Ad hos tamen casus non videtur referendus, quando feudum filio concessum est ob merita patris Schrad. *de feud. p. 2. c. 6. num. 4.* Multo minus quando feudum novum jure feudi antiqui sit concessum: Non obstante, quod in eo fratres admittantur; id enim fit ex ipsa joris feudalis dispositione 2. f. 50. quæ tamen contra expressam prohibitionem ad adscendentes extendi nequit. Unde nullam involvit vel iniquitatem vel absurditatem: si adscendentes collateralibus in Successione feudali postponantur; Hi tamen cum istis iis in casibus, ubi ad successionem feudi admittuntur, non concurrunt, quis adscendentes non solum quoad lineam, sed etiam quo ad gradum sunt proximiores, adeoque *N. 118. c. 3.* quæ fratres una cum Parentibus ad successionem fratris admittuntur, obtinet tantum in allodialium successionem, & ad feudalem non porrigenda. Struv. *in Syntagm. Juris feud. c. 9. apb. §. 113.*

Secunda igitur linea liberorum est, quorum nomine hic soli filii, & nepotes intelliguntur, filiabus & nepotibus neptibusve ex filia natis exclusis. 2. *F.t.* 11. 34. §. 2. *ibi de solis masculis.* *Et t.* 50. *pr.* Ratio a fine Feudorum desumpta esse videtur, ad quem servitia bellica, ad quæ foeminae inidoneæ sunt, spectant. Ut taceam fragilia earum consilia, quibus adversus propria commoda plerumque laborant, *l. 4. C. de Spons.* & sæpe in perniciem substantiæ earum deducuntur. §. 1. *Instit. quibus alien. licet vel non.* Succedunt autem filii in Feudo æqualiter. 1. *F.t.* 1. §. *Et quia vidimus.* etiam ex diversis matrimoniis nati, modo sint consanguinei. *Rittersh.* 1. *F.c.* 15. *num.* 8. Falit tamen in Feudo individuo dignitatem annexam habente, ubi solus succedit primogenitus. *Dd. in §. prater ea.* 2. *F.t.* 55. *A. B. c.* 24. nisi de consuetudine Regionis aliter sit dispositum. *Gail.* 2. *Obs.* 153. *num.* 2. Inter liberos numerantur quoque legitimati per subsequens matrimonium, qui & in Feudis ex veritate practica succedunt. *Dd. in §. naturales. si de Feud. cont. sit inter Dom. Et Agnat.* & pro his in Camera

ra Imperiali judicatum esse testantur, *Mynscent. 5. obs. 42. & alii Feudista passim*. Legitimati vero per Rescriptum Principis Jus in Successione quæsitum nemini auferre possunt. *Carpz. ov. in J. F. p. 2. c. 6. n. 27*. Quæritur; an exhæredati liberi in Feudo succedant? A. Nulla enim, uti supra docuimus, circa Feudum defuncti ordinatio valet. *d. t. 1. F. 8*. Nisi in Dominum deliquerint, & ejusmodi sit exhæredationis causa, *Wesemb. c. 6. num. 9*. Quæritur; si liberi existant gradu inæquali, quomodo succedatur? Resp. inæqualiter, & hi qui jure repræsentationis veniunt, tantum partem patris sui accipiunt, *d. t. pr.*

A FINE FEUDORUM:) Finis feudorum neque primarius neque solitarius est servitiorum exhibitio: sine hac enim feudum ab initio potest existere & subsistere: Principalis ergo finis est familiæ conservatio, quæ respectu foeminarum cessat *l. 195. §. pen. ff. de V. S.* hinc & ipsa & ejus filii a successione excluduntur, *Wurm. de feud. impropr. d. 3. l. 3. n. 7. §. 65. 73. & seq.*

PRIMOGENITUS:) Pro tali habetur non modo is, qui ante feudum acquisitum est natus, sed etiam filius ex primogenito ante Patrem mortuo progenitus: hic quidem propter jus repræsentationis, & propter juris repræsentationis transmissionem. Ille vero ideo, quoniam in successione non tempus dignitatis vel qualitatis acquiritur, sed tempus mortis inspiciendum, *Finck. Disp. Feud. 6. Contr. 10. & 11.*

EX VERITATE PRACTICA:) Ex veritate autem Theoretica asserendum ac defendendum est contrarium, & quidem ob textum *in tit. 26. 2. f. §. naturales.* ubi omnes omnino legitimati sine ulla limitatione a feudi successione excluduntur. Quæ exclusio generalis ac indefinita confirmatur per ampliationem adjectam, quæ non nisi ad legitimatos per subsequens matrimonium applicari poterit, idque ideo, quoniam legitimatio per Rescriptum Principis liberis ex matrimonio natis extantibus locum non habet; Cui accedit, quod jus successionis feudalis statim & ipso nativitatis momento acquiri debeat. Adeoque textus feudalis ad Legitimationem per Rescriptum Principis restringi nequit, nec ulla probatur restrictio ex verbo *Fiant*: quasi legitimati per subsequens matrimonium non fiant, sed ipso jure & vi solius matrimonii fiant & existant legitimi: Sicut enim quilibet legitimatus vi nominis dicitur legitimus factus, ita & legitimatus per subsequens matrimonium in specie justus effici ac fieri dicitur. *l. 5. C. de Nat. lib. N. 89. pr.* Nec movet, quod urgeatur particula *postea*, quasi illa sit referenda ad successionem aliis jam delatam: Nihil enim impedit, quo minus illa particula *postea*, referatur ad tempus nativitatis, cujus respectu omnes, qui legitimantur, postea sunt legitimi §. 13. *Inst. de Nupt.* Non obstante, quod isti particula *postea* in jure feudali denotet tempus post delatam successionem, 2. f. 37. Quoniam unius positio non est alterius exclusio: Adeoque falsum est præsuppositum, legitimacionem liberis naturalibus ad obtinendam successionem ideo non prodesse, quod post eam delatam successionem supervenerit. Quia hoc etiam asseritur de naturalitate *d. §. Naturales*, quæ tamen post Patris naturalis mortem supervenisse dici nequit. *Bitseh. ad d. §.* Et quamvis matrimonium omnia purget vitia, *cap. 6. X. Qui filii sunt legit.* Ita quidem, ut legitimati vel soli vel cum aliis legitime natis succedant. §. 2. *Inst. de heredit. qua ab intest.* Id tamen restringendum est ad effectus Juris Civilis & Canonici, adeoque ad Jus feudale feudique successionem contra expressum Textum minime extendendum 2. f. 1. *vers. legum. Bach. ad Tr. Vol. 1. Diss. 2. sb. 6. lit. T.*

AN EXHEREDATI:) Exheredati & ab hereditate exclusi in feudo ideo succedunt, quia exheredatio est quid odiosum, adeoque extendi non debet ad ea, quæ non sunt exheredationis obiectum, qualia sunt, quæ debentur non jure hæreditario, sed jure singulari l. 114. § 15. & 16. ff. de leg. 1. Datur ergo casus, quo filius hæreditate paterna non adita in feudo paterno succedit præter textum 2 f. 45.

NISI:) Quia nulla circa feudum valet ultima Vassalli ordinatio 1. f. 8. & extra hanc non fiat exheredatio §. 2. *Inst. de Codicill. l. 2. C. cod. l. 14. C. de Testam.* ac præterea feudi privatio non fiet penes Patrem, sed penes Dominum, per quem Vassallus si tale quid contra eum committat, quod filius contra Patrem committendo exheredationem meretur, feudo privari potest 2. f. 24. § 2. *vers. prædictis modis.* Rosenthal. *de feudis* Concl. 7. num. 10. hinc exheredatio ad feudum extendi nequit: & licet ea subsistat in allodiosis, in feudo tamen propter jus acquisitum filiis non præjudicat. Kirchb. *de feudo ex pacto & provid. c. 5. num. 65. & seqq.* utut autem filii excludi nequeant a feudi successione directo & per exheredationem: poterit tamen istis feudum adimi per indirectum & per consequentiam, si nimirum in allodio heredes sint instituti, alterique vel filio vel filiz vel etiam extraneo feudum sit relictum. Dn. Rhetz. *in Comm. ad Jus feud. l. 1. tit. 8. p. 312. num. 3.*

XXV.

Si secundæ lineæ nulli sint successores, jus succedendi ad Collaterales, si Feudum sit Paternum, devolvitur; 2. *F. t. II. §. his vero. & t. 50.* Ubi tamen vocantur Agnati, remotis cognatis, propter favorem conservandarum familiarum, quas Dominus eligit. *Borch. num. 78. c. 7.*

Ex his igitur Masculi, si quidam primi gradus
sint, & soli extent, juxta morem Juris Civilis,
Feudum inter se æqualiter dividunt; *d. t. 2. F. 11.*
Si vero soli non sint, sed ipsis cum aliis con-
currere necessum sit; puta vel fratribus con-
sanguineis, vel fratrum filiis, successio priori
casu sit secundum capita, *arg. Carolina. Ann.*
1529. Spira promulgata. Gail. 2. Obs. 151. postero-
ri vero secundum stirpes, *2. F. d. t. §. si vero. Et*
ibi Dd. Quæritur; Si fratres prædicti deficient,
qui in ordine de Jure succedant? R. Agnati o-
mnes, & quidem qui gradu sunt proximiores,
secundum capita in infinitum, exclusis semper
remotioribus, *2. F. t. 11. Et 31.* Ubi tamen notan-
dum, quod in ea proximitate semper præroga-
tiva Lineæ & fibrarum spectari solet. *2. F. t. 50.*
fin. Et ibi Bocer. class. 4. disp. 15. thes. 30. Tan-
dem si nulli adsint Collaterales, descenden-
tium quoque Patruus, vel Patruus Magnus,
admittitur, *per text. 1. F. t. 19. fin. Borch. n. 85.*
c. 7. Et hæc successio Agnatorum non so-
lum locum habet mortuo Vasallo, sed etiam
ob culpam aliquam Feudum amittente, quæ
cul-

culpa pro morte quoad Feudum habetur.
Rittersh. n. 16. c. 16.

FRATRUM FILIIS:) Et ad hos solos restringendus est
successionis concursus cum fratribus, adeoque ad fratrum nepo-
tes non extendendus, cum Jure quoque Civili jus repræsentatio-
nis in linea collateralis restrictum sit ad primum gradum, nimirum ad
solos fratrum filios. *N. 118. c. 3.*

IN INFINITUM:) Textus ergo 2. f. 26. §. *Si vassallus*
culpam una cum aliis, ubi successio collateralium ad certum gra-
dum restringitur, accipiendus est jure antiquo Bitsch. *ad d. tit. p.*
459. Ex Capitulo vero 52. f. 2. §. 1. in fine quod successio regulari-
ter in infinitum non fiat, sed tum demum, cum id inter primum ac-
quirentem & Dominum feudi conventum fuit, non probatur, tum
quod totum capitulum habeatur pro suspecto, & hinc in quibus-
dam editionibus omissum. Hartm. Pistor. l. 2. q. 1. n. 4. & q. 47.
num. 42. tum quod verba: *si hoc actum*, habeantur pro suppositi-
tiis, quippe quæ in Cap. extraordinario 93. ubi totum capitulum ex
tit. 52. repetitur, non legantur. Bitsch. *ad tit. 50. f. 2.* tum quod
dicta verba non sint præcise referenda ad proxime præcedentia, & ad
successionem in infinitum, sed ad superiora, quæ concernunt feu-
dum ligium, Finck. *Disp. feud. 6. contr. 37.*

NOTANDUM:) Illud præterea circa Collateralium suc-
cessionem observandum, proximitatem successoris non æstimari
ratione primi acquirentis, sed ratione Vassalli ultimo defuncti: Suc-
cessio enim feudi fit eo modo & ordine, quo fit Successio ab inte-
stato 2 f. 37. *pr.* ibique Bitsch. *notab. 8.* in qua consideratur
proximitas respectu ultimi morientis l. *fin. ff. de suis & legit. he-
red.* a quo etiam successio deferretur: His accedit, quod si æsti-
maretur proximitas respectu primi acquirentis, Successiones tur-
barentur, & posset evenire, ut a liberis morientis ad collaterales

remotos feudum devolveretur: Non obstante, quod omnes primo acquirenti dicantur succedere: Dist. enim inter *successionem immediatam* & inter *mediatam*. Ludvv. *de successione feudi* p. 217. Proximitatis autem ratio non habetur iis in feudis, in quibus succeditur ex jure Majoratus: qui respicit totam familiam, ita ut qui senior est totius familiæ, potior sit in successione, quo ipso differt a jure Primogenituræ, quod pertinet ad lineam primogenitam, ac neminem ex alia linea admittit, quousque ex illa quis superstit. Da. Rhet. *in Comm. ad Jus Feud. l. 1. tit. 8. p. 310. n. 11.*

ETIAM OB CULPAM ALIQUAM:) Non itaque omnem, sed illam solummodo, quæ in extraneum est commissæ. 2. f. 31. 37. ob culpam enim in Dominum sive directum sive per indirectum commissam feudum revertitur ad Dominum, ita tamen, ut post Vasalli delinquentis, ejusque filiorum mortem agnatis deferatur 1. f. 5. §. *his omnibus* 2. f. 24. §. *fin.* 2. f. 37. 2. f. 55. §. *callidis*. Struv. *in Syntagm. Juris feud. cap. 15. aph. 14.*

XXVI.

Et ut breviter rem expediam, prohibentur 1. in Feudo regulariter succedere, uti sæpius dictum, fœminæ, 1. *F. c. 1. §. 2. 3.* nisi pacto, vel Investitura aliter cautum sit 2. *F. t. 2. §. 2. Et t. 30.* 2. Naturales. 2. *F. t. 26. §. Naturales. Et ibi Dd.* Secus est si fuerint Legitimati per subsequens matrimonium. *vid. supra, §. 24. in verb. inter liberos.* 3. Adoptivi 2. *F. t. 26. §. adoptivus.* Adoptio enim jus sanguinis, cui Feuda dantur. *Cujac. 3. Feud. t. 10.*
non

non adfert. *l. qui in adoptionem* 33. ff. de adopt. 4.
Ascendentes. *de quibus supra d. t. 50. 5.* Qui
vivente Vafallo Dominum offenderunt, & Fe-
loniam commiserunt, *per text. 2. F. t. 55. §. 2. 6.*
Clerici, qui habitum Religionis assumerunt,
§. qui Clericus. 2. F. t. 26 confer. t. 21. fin. & t. 30.
7. Imperfecti, ut mutus, surdus, cæcus, & alii,
qui ad servitia præstanda natura sunt inepti.
2. F. t. 36. fin. De quibus tamen notandum, illis
alimenta, si aliunde non habeant, ut se su-
stentare possint, ex Feudo deberi. *1. F. t. 6. fin.*
Si vero defectus aliquis post acquisitionem
Feudi supervenerit, amissionem metuere neces-
sum non habent. *Schulz. Syn. F. c. 8. num. 105. 8.*
Fratres uterini, in successione nimirum Col-
lateralium quia cognati. *2. F. t. 11. Hattys. in Syn.*
Feud. p. 65. 9. Frater fratri & cæteri Collatera-
les, in Feudo Novo, *1. F. t. 1. §. 2. & t. 8. fin.* nisi
specialiter in Investitura hoc sit provisum.
Gail. 2. Obs. 50 num. 2. & 151. num. 4. Conjuges
1. F. t. 15 pr. 2. F. t. 13. fin. 11. Fiscus: deficien-
tibus enim Agnatis, Feudum ad Dominum
revertitur. *1. F. t. 8. §. 1. Matth. Steph. Exeg. Jur.*
Feud. part. 3. concl. 66. Et sic perlustratis bre-
viter

viter constituendi & acquirendi Feudum modis, ad Finem ejus pergimus.

NISI:) Nisi quoque sit feudum mere hereditarium (in feudo enim hereditario secundum quid & quoad modum succedendi fœminæ non succedunt. Carpzov, p. 3. C. 28. def. 11.) vel Fœmineum. In quo tamen non nisi deficientibus masculis regulariter admittuntur 1. f. 6. § 8. 2. f. 17. 30. 50. 51. sive hi descendant ex masculo sive ex fœmina 2. f. 17. Licet autem fœminæ masculis extantibus non succedant, non tamen in perpetuum sunt exclusæ. 1. f. 6. §. fin. 2. f. 17. Nec exclusio perpetua potest demonstrari ex 1. f. 6. §. 1. Dist. enim inter omnimodam a jure succedendi exclusionem, & inter non admissionem in casu, quo masculi existant. Vultej. de feud. l. 1. c. 9. num. 53. Nec obstat, quod fœminæ ad feudi successionem admittantur sub conditione, si masculi non existant, quæ conditio masculo existente deficit, eaque deficiente deficit ipsa dispositio in perpetuum, nec casu postea existente reviviscit l. 109. ff. de Cond. l. 6. §. 2. C. ad Se. Trebell. Dist. enim inter veram ac formalem conditionem, & inter simplicem dilationem. l. 5. C. Quando dies legat. cedat. Finck. Diss. Feudal. 6. Controv. 27. Hoc præterea circa fœminæ successionem est tenendum, cum, si realiter succedat, feudum masculo postea nato non teneri restituere, sed hoc ad dies vitæ possidere valet. 2. f. 51. §. similiter. nisi successio delata fuerit sub conditione, quod sit, si uxor prægnans a defuncto relinquatur, & nascatur filius posthumus, quo in casu fœmina feudum occupatum debet restituere, quia conditio sub qua fœmina est admissa per posthumi nativitatem deficit. Hartm. Pistor. l. 2. q. 35. num. 11.

JUS SANGVINIS:) Cumque id deficiat quoque in unionem prolium, per hanc assumti liberi seu uniti neque in feudo ante unionem, neque post eam acquisito succedunt, ne habetur respectus, an sint soli, an vero cum liberis naturalibus concurrant.

Harpr.

Harpr. *ad* §. 12. *libell. de Adopt. num. 25.* Idem quoque obtinet in filiis Morganaticis, qui ex matrimonio ad morganaticam (tam primo quam secundo) inter virum illustrem & foeminam inferioris conditionis contracto sunt nati. Hi namque certa portione assignata ad successionem feudi paterni sunt inhabiles 2 *f. 29.* Cui videtur contradicere *tit. 26. §. filii nati, 2. f.* ubi filiis ex matrimonio ad Morganaticam contracto nati admittuntur ad feudi successionem: sed cessat contradictio, si reprobetur lectio affirmativa, & approbetur communiter recepta negativa, quam etiam suadet subiecta ratio, Bitsch. *ad d. r. Not. 1. p. 454.* adeoque distinctione a Struvio in *Synragm. Juris feud. c. 9. aph. 5. n. 9.* a diversitate pacti desumpta opus non est, praesertim cum eam generalitas non videatur admittere: Sicuti autem ad exclusionem a successione feudali respectu filiorum morganaticorum, ut procedat ob mutationem, quae contingit circa investituræ tenorem, quo omnes filii continentur, requiritur Domini feudi consensus & approbatio. Gail. *l. 2. obs. 27. num. 6.* (quæ etiam necessaria est in exclusionis revocatione Myler. in *Gamologia Pers. illustr. c. 6. num. 37. & seq.*) ita ea est absoluta ac perpetua, adeoque durat, siue existant liberi prioris matrimonii siue soli sint. Bitsch. *ad tit. 29. 2. f. notab. 5.*

FISCUS:) Successio Fisci pertinet ad bona publicata & vacantia seu Domino destituta & ad nullum Successorem devoluta *l. 14. C. de bonis vacant. l. 10.* Feudum vero nec venit in publicationem, nec ullo modo vacans dici poterit: Deficientibus quippe Successoribus feudilibus a parte Vasalli sit apertum Domino & ad eum revertitur *l. 13. vers. et si*, quod non minus obtinet, si feudum ob delictum amittitur 2 *f. 24.* adeoque nulla statuenda est exceptio; nec ea admittenda cum Peregrino de *Jure fisci l. 5. tit. 1. num. 71.* in feudo hereditario: Licet enim id certo modo pro re allodiali, & ad heredes quoscunque adeoque etiam extraneos transmissibili habeatur, illa tamen transmissio restringenda est ad

C

here-

heredes tales, qui vel ab intestato, vel ex testamento succedunt, inter quos fiscus referri nequit. Accedit, quod existente feudi Domino feudum vacans dici nequeat. Rosenthal *de feudis cap. 12, Concl. 12. num. 5.* Domino vero sine successore legitimo decedente Dominium directum, quod pro allodio habetur, ad fiscum devolvitur. Dn. Stryk. *de success. ab intest. cap. 6, art. 2. num. 27.*

AD FINEM EJUS PERGIMUS:) Prius tamen sequentia adhuc videntur monenda.

1. Quod Feudi successio non sit universalis, sed singularis, cum non sit juris, sed corporis ac rei, hinc per eam non sit representatio antecessoris, feudumque potest agnosci successione universalis ac hereditate repudiata 2. f. 45. Ludvv. *successione feudi c. 1. reg. 2.* Non obstat, quod successor feudi sit heres 2. f. 9. l. f. 12. 2. f. 18. 2. f. 26. § 2. qui est successor in universum jus defuncti §. fin. *Instit. per quas person. cuique acquir. l. 24. ff. de V. S. l. 59. ff. d. R. J.* Dist. enim inter heredem in allodiis, quique ex jure civili succedit, & inter heredem seu successorem in feudis, quique succedit ex Juris feudalis speciali dispositione. Verbum præterea *heredis* non semper accipitur pro successore universalis, sed quandoque etiam pro singulari l. 14. §. 1. ff. de Usucap. l. 170. l. 219. ff. de V. S.

2. Quod successio feudalis respectu filiorum sine hereditatis agnitione non admittatur. 2. f. 45. 2. f. 51. §. *filius.* Idque obtinet siue factum sit inventarium, siue non: valet quoque tam in feudo hereditario, quam ex pacta & providentia: Non tamen procedit, si filius heres esse nequeat, vel ob exheredationem, vel ob hereditatis vivente patre renunciationem, vel ob in re certa factam institutionem. l. 13. C. de hered. *Instit.* vel ob bonorum cessionem: Nec locum habet, si filius specialiter de feudo sit investitus. Berl. p. 2. *Conc. 56. num. 27. & seq.*

3. Quod successio feudalis non agnita ad sequentem successorem

forem transmittatur: feudum enim non defertur jure hereditario, sed debetur ex pacto & contractu acquirentis.

4. Quod in successione feudali non locum habeat jus accrescendi: hoc enim obtinet propter conjunctionem §. 8. *Inst. de Legatis. l. 16. ff. Quib. m. ususfr. amit.* quæ in feudi successione non deprehenditur, sed ea dependet vel a facto primii acquirentis, vel defertur ex simultanea investitura: feudum ergo per se & sua natura ad jus accrescendi recipiendum habile non est. Quod si ergo feudum per Legatum pluribus conjunctim relinquitur, jus quidem accrescendi obtinet, id tamen non fit quatenus est feudum, sed quatenus est feudum per conjunctionem irregulariter relictum. Quod si etiam duobus a Principe feudum fuerit donatum, altero sine successore decedente, istud ad condonatarium pertinet, & quidem ob largam interpretationem libertatis Principis *l. fin. ff. de*

Constit. Princ. l. un. C. si liberalit. Imp. Socini Ludw. de success. feud. c. 1. p. 145.



COROL-

COROLLARIA.

Pacificatio Religiosa vi ac metu non est extorta.

Pacificatio Religiosa per contrariam Sanctionem aboleri nequit.

Pacificatio Religiosa neque per Concilium Tridentinum sublata, neque per Bullam Innocentii X. irritata.

Successor Imperatoris de Pacificatione Religiosa servanda obligatur.

101) o (101

3

A41 1470048